PREGHIERE TRADIZIONALI ALLA MADONNA DI PUGLIANO

Curuneglia

Si tratta di un canto dialettale che, grosso modo, ricalca il S. Rosario, infatti si utilizza la corona perché ciascun versetto viene ripetuto dieci volte. Ogni decina è intercalata dal gloria.

Questo è il gloria: "Sia lodatu sempri sia lu nomu di Gesù e di Maria. Allegra, festanti, allegra, sofia (suvvia), gridamu tutti quanti: evviva Maria!"

- Primo versetto: "O Matri del Segnori meo, mi pentu assai d'avere offeso a Dio."
- Secondo versetto: "O Matri del Verbo eterno liberanci di li peni e di lu 'mpernu".
- Terzo versetto: "O Matri di bon Gesù, vorria mi moru e nommi v'offendo più".
- Quarto versetto: "O Matri di Dio, spiranza nostra, mi rallegro di tanta la grolia vostra".
- Quinto versetto: "Grolia del cielo, Maria, veni a puntu di la morti mia".
- Sesto versetto: "Ricordit' anima mia, ca si' serva di Maria, di Maria, Matri di Dio".
- **Settimo versetto**: "O Segnora mea, o Santa Maria, prisenta a tuo Figlio quest'anima mia"

Rosario I

Qui di seguito è riportata una forma di rosario tradizionale in dialetto calabrese in onore della Madonna di Pugliano.

(Gloria):

Oggi disponi lu calici santu, lu Patri, u Figghiolu e lu Spiritu Santu.

(primo coro):

Madonna di Puglianu bell'assai, 'ncurunata di stelli siti Vui, quandu mi sentu abbandunat'assai, Madonna di Puglianu chiamu a Vui.

(secondo coro):

Madonna di Puglianu siti bella, e di lu celu ca siti 'na stella, e di lu mari siti 'na funtana, grazji disponiti a cu Vi chiama

Rosario II

Qui di seguito è riportata un'altra forma di rosario tradizionale in dialetto calabrese in onore della Madonna di Pugliano.

(Gloria):

E di lu celu na stiglia scindiu supra lu sinu di Maria posau. Igla posau pe' grazji fari e la Madonna 'ndavimu a pregari.

(primo coro):

Vergini bella lapriti li porti, stannu arrivandu li divoti vostri.

(secondo coro):

Stannu arrivandu sonandu e cantandu, Madonna di Puglianu cu Vui mi raccumandu

BONASIRA

Bonasira Vi dicu a Vui Madonna la gloriusa e Vergini Maria la gloriusa e Vergini Maria.

Mi 'nd'accumpagna la notti e lu jornu lu jornu comu iamu pe' la via lu jornu comu iamu pe' la via.

E la matina bongiornu bongiornu siti patruna di tuttu lu mundu siti patruna di tuttu lu mundu.

Liberanci di li peni di lu 'mpernu di tutti li disastri di lu mundu di tutti li disastri di lu mundu.

Supra all'artaru c'è ' na gran signura Madonna di Puglianu ca si chiama Madonna di Puglianu ca si chiama.

Cu cerca grazji Iglia 'nci li duna di li malati lu cori 'nci sana di li malati lu cori 'nci sana.

Ed eu Madonna ca Vi cercu una st'alma cuntenta e lu me cori sana st'alma cuntenta e lu me cori sana.

E m'indivaiu e Vi lasciu felici e 'ntorniata dill'angiali state e 'ntorniata dill' angiali state.

E la Madonna si vota e 'ndi dici vaiti bonasira e santa paci vaiti bonasira e santa paci.

Non Vi dicimu quantu ammeritati Vergini bella e non d'abbandunati Vergini bella e non d'abbandunati.